

琉球國志略卷八

翰林院侍講臣周煌恭輯

勝蹟

勝蹟者地以人傳人以事傳窮海之濱足跡罕至雖有奇巖幽壑極瑰尤詭異之觀孰從而傳之琉球之有勝蹟則自得通中國始也其地環山滌海波濤之所盪激清淑之所鍾毓自宜高高下下時出勝槩譬猶披沙揀金豈曰無得而况皇華數臨鶴書遙降循習於舞蹈拜揚之節浸潤乎詩書禮

琉球國志略

勝蹟
卷八

吳舒帷校

樂之容山為增輝水為增媚而况於人乎

臣職忝

清班文慚華國誠不敢望如白詩見珍於高麗柳書取貴於新羅而夙夜兢兢捧盈是惕竊幸心神無越典禮告成因得流覽蟻封緬思賢達徵文考獻頗非一端蓋所以著天地之大而

聖朝聲教之遠被亦於是見焉志勝蹟

迎恩亭

在那霸港堤上明洪武時武寧王建凡封舟到港陪臣班列皆集亭下迎詔至館國

王至亭前迎

詔徒步至亭中恭請

聖安則自茲役始

徐葆光詩一片仙飄下九天海東

屬島喜駢闐迎

恩亭下潮初張百纜爭牽萬斛船

却金亭 在那霸港封舟登岸處為前明嘉靖七年冊使陳給事侃建侃浙江鄞縣人胡靖錄

為夏言建誤言實未嘗至中山也侃字汝言嘉靖五年進士訛或以此亦未可知

息思亭 在舊天使館內嘉靖三十七年冊使郭汝霖有息思亭說云琉球天使館自門而入

正堂三間自正堂引至書房三間余處於東李君際春處於西房之後再三間官舍輩處之兩旁翼

以廊房各六間門書與皂寓焉暑月蘊隆琉之人為乎卜後垣空地砌土瓦茅豎柱而亭之予因匾

曰息思以咏以歌庶忘其身之在異鄉已

灑露堂 在舊天使館內萬曆四年冊使蕭崇業有灑露堂說云使館故有匾弗稱唐人云海

東萬里灑扶桑意在懷遠也余以灑露名之副使謝杰記云灑露堂者天使館之堂也諫議蕭使公

所以名斯堂也

琉球國志略

勝蹟 卷八

一一 吳舒帷校

東苑 在崎山上前使臣汪楫書匾有記門西向入門茵草遍地板亭南面二間更進而南三間

天啓五年詔使指揮同知蕭崇基書潮音應世額今失亭東土阜一邱形如覆孟汪錄云是零壇南

下西轉山巖上鑄梵字一狀如霧字石獅一蹲岩旁下有小方池激泉從石龍唇吐出養金魚其中

前植竹萬竿後古松數十株皆盤根石上極蟠屈有致東行為望仙閣前使臣林麟燭題匾跋云昔

苟中郎在京口登北固望海云雖未觀三山已使人有凌雲意中山雄踞島嶼三十六峰羅列環抱

亦海外之京口也山既擅一方之勝閣復據登臨之美額曰望仙蓋以供賢王休暇登眺燕遊延鄒

召枚耳豈真有黃金白銀闕可見諸仙人長生之藥皆在耶彼褰裳濡足之主冀倖一遇終非仙才

良可歎也閣後小板閣為能仁堂南面出堂東過可望佐敷少西見林木鬱然即辨嶽也相傳苑內

有入景東海朝曦舊為久高朝旭中山之東屬島姑達佳譯為久高故云西嶼流霞南郊麥浪北峰

積翠舊為識名積翠以識名村在首里之北也石
洞獅蹲雲亭龍涎松徑濤聲仁堂月色林麟焜
望仙閣峙崎山少住秋事殘衙齋寂寂長閉闕有
時命駕輒徑出山南山北恒躋攀客言望仙樓閣
勝登之可以開心顏來穿蘿徑尋絕頂插籬修竹
紛檀樂憑高陡覺海雲盪豈惟聊散腰脚頑虬松
島鐵蹙鱗甲石嶼吐水聽淙潺問誰所築極幽雅
塵寰吾
島王休眠修遊觀茅茨約椽存朴素不丹不履殊

皇聖德

同禹儉遂使此意風百蠻雙眸下瞰九萬里歸墟
積水何漫漫伊藍古米尻首接蒼茫七島相彎環
是時新秋木葉脫破山巨浪排風寒方壺員嶠不
可辨但覺隱見青雲瑞月明廣宴長樂夜定有笙
鶴來瑤壇惜哉秦漢覓仙輩未到此地成虛還神
芝百本產崖谷玉牀箭簇光斑爛安得服之鍊金
骨一任日月雙跳丸興酣發狂浮大白番吏羅勸
冠黃冠涼風蓬勃拂衫袖連鑊欲下仍盤桓歸來
閉目想清景頓令重遊心飛翻徐葆光詩一曲

琉球國志略

勝蹟 卷八

三 吳舒帷校

崎山路峰迴啟苑屏繚垣藤絡石蓋地毯為衣岩
瀑當門落林禽背客飛置身瀛海上寥廓坐忘機
極目浩無界超然人景空雲開識名翠日上久高
紅宮闕仙山近樓臺屢氣通望來高閣上坐御列
仙風昔構原從簡今來未改觀依山微鑿磴倚樹
借為欄景色圍空翠烟雲洗碧丹亭中祖訓在澹
泊素能安叠叠南山秀都歸東苑偏海濤晴帶雨
嶽色午浮烟儉德存遺構清遊繼昔賢壁紗籠句
處猶寶
鳳池篇

茶亭

亦在東苑內汪錄云國王游觀之所屋三楹
某所書今亦失去其
臣真常有記見藝文

同樂苑

在姑場川亦有入景延賢橋恤農壇洗筆
塘望春臺觀海亭翠陰洞摘茶巖種藥堤

觀旭峰

一名望日亭張學禮
圖錄近圓覺寺後

神木 在圓覺寺內一名古松嶺 胡靖圓覺寺古

根勁挺亭三尺古松橫斜蓋二臺夜靜龍鱗明月

照天空鷗影倚雲來菁蔥已濕千年露曾見三花

幾度開 徐葆光神木詩圓覺古松號神木廣庭

深護朱欄曲三尺蟠根二百年虬枝拳翠贊苔綠

佛座長明無盡燈珠幡上頌無疆福右廡重簷廟

南向國王家祠神龕肅始祖尚圓宗尚貞高曾四

代分昭穆至今廟食儼如新山龍藻火施章服崇

元寺裏受 恩綸歸向靈前申號祝廟中僧祿比貴臣歲廩王田八

十斛中山之始本三分山北山南鼎連足自昔巴

志好弄兵左右齒邦盡強肉豈知未及五六傳天

道好還反乎覆尚圓修德起伊平歸仁一綫如遙

續綿綿禪祀比松年號曰中山實山北

國祚長休木不凋濯濯靈柯似初沐

金宮 在宜野灣謝各村察度王母天女也行其地

見石物皆金銀父勝連按司遣大夫取之曰

琉球國志略 勝蹟 卷八 四 吳舒惟校

此地靈所孕也 作樓閣金宮

戲馬臺 在今歸仁 親泊村

翠巖 在首望 金城村

白金巖 在兼城絲滿村巨石圍立前通一門中可

坐數百人榕樹蔽之徐葆光遊山南與大

夫蔡温等聯句於此 徐葆光絲滿村白金巖詩

邊土行將盡搖鞭絲滿村溪深查渡馬廬合樹為

門村女窺崖隙山農列酒樽 白金聯句就書破翠巖痕

龍洞 在奧山萬松蒼茂每清風徐來輒與潮聲答 響為中山八景之一 徐葆光龍洞於濤詩

虛濤應暮潮颯然滿秋聽 中山松最奇臨水更增勝

金峰洞 在金武 村山下

嶮石

在那霸港口土名馬加徐葆光詩巨石巨

靜鎮齧隄沙怒擘迎風浪狂瀾却倒迴安流使徐

漲馬夷送潮來低頭聽收放中山形勢雄碧海流

虬樣右翼葉壁張左臂馬齒傍外島三十六遙遙

若連障腹地抱重岡那霸實其吭鐵板沙四周雙

臺勢相仗得此砥中流長隄更新創宛宛如遊龍

到海回頭望當關似一夫外禦抵千嶂所以此邦

人雍容自無抗封貢共升平萬古

皇風暢

受劍石 在今歸仁故城內山北王素尊一石為神

山南王故城 在高嶺村今山南王子孫那姓居之

徐葆光高嶺城詩高嶺餘空壘瓦

松生繚密披圖尋往蹟策馬踏荒岡文砌支

絲榭宮溝瀉鴈梁中原人一到徙倚立斜陽

山南王弟故城 在豐見城山徐葆光詩豐見山

頭虎豹蹲霸圖銷歇氣猶存頽垣

宮闕無全瓦荒草牛羊似破村蜂割一房曾並立

蝸空半角是誰吞故城高嶺遙相望鏡裏西風暮

昏色

山北王故城 在今歸仁村

佐敷殿 在首里新橋村尚益王為世子采

地封佐敷故名後以居舊宮人

尚圓王舊宅 在浦添內間村王始為內

間里主後避位居於此

麻氏隱居 在陶厰西徐葆光詩尋幽小步厰西

村一曲池塘未掩門種樹陰成雲滿徑

灌園人老竹生孫隔墻翠袖翻蕉影繞砌文螺

疊石根半醉歸來絃管開泉崎橋外落潮痕

毛家園

在金城村王府西南國丈毛氏

澹園

為法司蔡溫別墅在首里王府北徐葆光

詩澹園一曲倚王城賜第依然舉室清松嶺

琉球國志略

勝蹟

五

吳舒帷校

乍通粗闕徑草亭未葢已題名烹茶共品家泉味
剪韭同嘗采地羹海外荒經與誰續赤平村裏有

明端

碧於亭

在太平島
筑山上

瑩兆附

山北王墓

在今歸仁運天村
土人呼百按司墓

尚圓王祖塋

在葉壁山中有一
山宛轉如游龍

中山王祖塋

在王城西南張錄云塋中無塚石碑
鐫中山王祖塋前五峰相對左右有

情沙水相映
前山開曠

琉球國志略

勝蹟
卷八

六 吳舒帷校